

UKQBQ MME ANDITIENE-CHRIST

Utom Mme Apostle 19:21-41; Matthew 10:16-28; Luke 21:12-19

QYQHQ UKPEP-NKPQ 346

Eke Mkparawa

IKQ IBUOT: “Kpukpru owo eyesua mbufo ke abaña enyiñ Mi: edi eyenyaña owo eke edimede ime tutu osim akpatre” (Matthew 10:22)

Ndiyak Nnọ Qbọñ

Edieke Qbọñ ebighide ndidi, mkparawa iban ye iren ke Sunday School mfin, eyenyene utom ndinam nte mme enyene obio, idem idaha emi ekeme ndidi ndusuk ke ekere ebaña utom emi mmọ edinamde ke ini iso. Edi mmem-mem nkpo ndimek ubok utom emi Qbọñ ekemede ndida nnam nkpo. Ediwak iban ye iren emi eyakde ini mmọ ndinam utom nnọ qbọñ ema ekpep mme ubok utom. Ndusuk mmọ eda mme ubok utom emi edu uwem. Ke ini Abasi okotde mmọ ete edinam nkpo enọ Imọ, ediwak mmọ enam kpasuk ukem utom oro. Ndusuk owo enọ ini, talent ye ukeme mmọ ke ini ifet odude, edi mmọ eyak ofuri ini mmọ enọ ndinam utom Abasi

Ke ini mkparawa ekerede ebaña ubok utom emi mmọ ekpenyenede ke uwem, nte ikpenemke Qbọñ esit edieke mmọ ekpemedede ubok utom emi Abasi ekemede ndida nnam nkpo ke inwañ utom Esie? Ke ini owo oyomde Abasi, onyũ ayak idem onọ enye, owo oro enyene udọñ ndinam nkpo nnọ Qbọñ. Ke ini owo amade Abasi, enye oyom ndiyak ini esie, talent esie ye ofuri ukeme esie nnọ Qbọñ.

Odom Sidibe (Silver)

Ediwak mme anam utom ubok ema esidu ke Ephesus emi ekediñde ediwak nkpo ke nsio nsio oruk ukwak, edi mmọ ikoduhe uwem inọ Abasi ikonyuñ inamke nkpo inọ Enye. Mmọ eekam enam utom enọ satan sia mmọ ekesiside mme ndem, Demetrius ekedi odom sidibe (silver) ke Ephesus. Enye okpokodiñ ediwak nkpo eke enyenede ufọn, edi enye ekesidom ndem sia emi akanamde enye enyene ediwak okuk. Emi ikedighe nkukure usuñ emi enye akanamde nkpo onọ Satan, edi enye ama esida mfina nko osok nditọ Abasi.

Ke ini Paul okokworođe Eti-Mbuk ke Ephesus, edi Demetrius emi ekedin ndutime. Enye okokot mboho kpukpru mme odom utim, onyũ eti mmọ ete ke kpukpru inyene mmọ okoto ke edidom ndem. Demetrius eketiñ onọ mmọ ete ke mmọ ekut enyũ ekop nte Paul okworođe ikọ onọ otu owo. Ediwak owo ke Ephesus ye mme ebiet efen ke Asia ema enim Eti-Mbuk ke akpanikọ inyũ idighe aba mme okpono-ndem. Ata akpan nkpo emi Demetrius eketiñde ekedi ke ubok utom mmọ omọñ abiara. Edieke mme owo ekpoñde ukpono-ndem, ufọn mme odom ndem iduhe. Demetrius ama enyene ata idiok ntak emi enye akadade esin ndutime ke otu owo. Ke editim nkere, enye ama ekpe mme owo ubok ete yak mmọ ekpeme mbak mmọ edisin ndem mmọ ke ndek, mbak edibiat itie-ukpono-ndem mmọ.

Akpanikọ

Ke ikọ emi Demetrius eketiñde onọ mme odom utim, enye ama etiñ ikọ-ntiense abaña utom ye ukworo ikọ Paul. Ndusuk enye ikekereke ndinam ntre, edi enye ama onyime ete ke Eti-Mbuk asuana koro odudide “ediwak owo” ekabare edi mme andinim ke akpanikọ. Demetrius eketiñ ete ke Paul ekpep ete “Mme abasi, eke owo enamde ke ubok, idighe abasi.” Paul eketiñ akpanikọ. Sia enye okworođe akpanikọ, mmọ emi ekenimde ema ebọhọ abiaña emi mmọ ekenimde ke akpanikọ. Edi akpanikọ edinam mme owo eworo ke ufin.

Jesus okodohọ mme Jew emi ekenimde enye ke akpanikọ ete: “Edieke mbufo esonode eda ke ikọ Mi, mbufo edi mbet Mi ke akpanikọ: ndien mbufo eyefiok akpanikọ, akpanikọ eyenyũ anam mbufo eworo ufin” (John 8:31, 32).

Mme owo emi ekekopde ikọ Demetrius ikamaha akpanikọ ikosim idaha emi mmọ ekpekọnde edu ukpono ndem emi edide abiaña ye nsu, mme ndikpọkpọn ubọk-utom emi ekedide edidom ndem. Anie akpama ndikpono abasi emi mikemeke ndikpeme itie-ukpono esie.

Edinam Mbon Ntime

Ikọ Demetrius ama emenere esit mme odom sidibe (silver). Mmọ edaha ekpọn itie mbono ye ọkpọsọn uyom iyaresit. Ikebighike ofuri obio ekedu ke ndutime. Ndutime otibe ndien otu owo emum nsaña Paul iba Gaius ye Aristarchus. Otu owo ebumere eduk ke ebiet mbono obio. Nso utọ ndutime! Ndusuk etiñ nkpọ kiet! Ndusuk etiñ nkpọ efen! Ediwak owo ke otu oro ikọdiọñọke ntak emi otu oro ekebonode. Mmọ ikọdiọñọke se iketibede edi mmọ ewọrọ edi ndise.

Otu owo emi ekeyọhọde ye iyaresit emi ekemumde nditọ Abasi iba oro ekeyom ndimia mmọ ufen. Mmọ ekekere ndisin mme anditiene-Christ emi ndik ke idem man mmọ ekpọn obio enyuñ etre ndikwọrọ ikọ.

Ima Nditọ Ete

Paul okoyom ndibahare otu owo nduk mbine mme ufan esie emi ekedude ke mfina. Edi mbet eken ye mme ikpọ owo Asia emi ekedide mme ufan Paul ebiọñọ enye ndika ebiet mboho obio mbak otu owo edikabare efuk enye edian. Ke iso nkpọ-ndik Paul ikesifeheke man ekudiọñọ enye nte owo Abasi. Enye ikefeheke ndik ndika n̄kafak nditọ ete esie sia enye ama ama mmọ. Jesus ọkọdọhọ ete ke ndima nditọ ete edi idiọñọ nte ke owo oro edi mbet Imọ. Enye ọkọdọhọ ete “mbufo ema ema kiet eken, kpukpru owo eyeda oro efiọk ete mbufo edi mbet Mi” (John 13:35).

Alexander ama ọwọrọ ke otu owo man añwana añwam mbet iba emi ekemumde. Enye emenere ubọk esie ndinam otu owo edop uyo man enye etiñ ikọ. Nnyin imeti ite ke mbon Ephesus ekedi mme Mmọ-oko (Gentile). Ke ini mmọ ekutde ete ke Alexander edi Jew mmọ ikpañke utọn inọ enye. Mmọ eka iso efiori ke nkpọ nte ini-n̄kanika (hour) iba etomo ndem mmọ emi mikemeke ndikop nkpọ minyuñ ikemeke ndiñwam.

Usuñ Ubọhọ

Abasi ke esese nkpọ-ntibe emi. Enye ikayakke otu owo enam mbet Esie ibak. Enye ama onyime ukọbọ oro aka okosim utọ idaha oro; ndien Enye asiak usuñ ubọhọ ọnọ ikọt Esie. Ke ndiwut ukpuhọre ke otu mme okpono-ndem emi ekefioride mkpọ, ikọt Abasi eda ke ndop-uyo ye ke ido eke enende. Mmọ ekebuọt idem ye Abasi emi esiñwamde ikọt esie kpukpru ini.

Ewet-ñwed Obio, emi ndusuk ikedighe ufan Jesus etiñ ikọ ọnọ ikọt mmọ. Enye ọkọdọhọ ete ke kpukpru owo ediọñọ ete ke mbon Ephesus ekpono ndem emi okotode Jupiter ọduọ (emi mmọ ekenimde ke akpanikọ). Enye ọkọdọhọ otu owo edop uyo, ekonyuñ “ebumere enam nkpọ.” Esop eyenọ nnennen ubierikpe edieke emende nkpọ ke abaña mbet esọk mmọ. Edieke Demetrius ye mme odom sidibe (silver) eken enyenede nkpọ nditiñ ndian mbet Jesus akpana mmọ emen ebine mme andikara. Edi ewet ñwed obio ama ọdọhọ ete ke mbet Jesus emi ikeyipke inọ ke ufọk Abasi, ikonyuñ itiñke nkpọ baba kiet ndibiat ndem mmọ. Mmọ ikabiatke baba ibet kiet. Otu owo ekemum mmọ ke usuñ eke midotke enyuñ enam ikpikpu uyom ke unana ntak. Ewet ñwed obio ama asuan otu owo ete enyọñọ mbak mme andikara edimum mmọ ebup ntak emi mmọ esinde ndutime.

Ukọbọ

Afo ese ete mbet ekekere didie ebaña nkpọ ntibe emi? Ndi mmọ ema edu ke mbeñe-idem ndikpọn utom ikọ Abasi sia mmọ ekesobode ye ekpri ukọbọ emi? Ke akpanikọ emi ekenanam mbuọtidem okpon ke esit mmọ. Mmọ ekebuọt idem ye Abasi ndien Enye ama afak mmọ. Ndusuk eketie mmọ ke idem nte eketiede mbet eken emi ekesinde ke ufọk nkpọkọbi ke ntak Christ, edi mmọ “ekwọ ikwọ enọ Abasi” ke ufọt okoneyo (Utom Mme Apostle 16:25), kpa nte mme Apostle emi ekedarade “Koro ebatde ete mmọ emedot ndibọ esuene ka baña enyiñ Jesus” (Utom Mme Apostle 5:41). Ke akpanikọ mme owo emi ikafiakke edem ikpọn nditiene Ọbọñ. Imokop nte esiakde enyiñ mmọ ke kpukpru ñwed emi Paul ekewetde.

Mbeñidem

Jesus ama otim mme anditiene Enye idem ke abaña ukòbò. Enye ama etiñ ònò mmò ete ke nte esuade Imò, ke eyenyuñ esua mme anditiene Imò; ñko ke edieke ekekòbòde Imò, ke eyekòbò mmò. (Se John 15:18-20).

Mme anditiene Jesus ema edioñò ete ke ukòbò ekeme ndidi, edi Abasi ama esin emem ye akwa ima ke esit mmò man ekeme ndiyò. Ih, edi ekekam enò Abasi ekòm ke emi. Ema ebebem iso etiñ enò Paul ete ke enye eyekut ukut eti eti ke ubòk mme andikòbò. Edi, emi ekedi mme ikò esie ke mme ini ukut emi: “Edieke Abasi adade ye nnyin, anie edikeme ndibioñò nnyin?” (Ñwed Mbon Rome 8:31). Paul òkòdòhò ete ke baba ñkpò ikemeke ndidianade imò ke akwa ima Abasi emi odude ke Christ Jesus. Enye okonim ete ke odot ukut ekededi edi man ibò Christ ida inyene. Enye òkòdòhò ete “Man ñkpòfiòk Enye ye odudu eriset Esie ke udi, ye nsaña ke ndutuhò Esie, nnyuñ ñkabare ñkpa mkpa eke edibietde mkpa Esie; man ke usuñ ekededi ñkposim eriset ke mkpa” (Ñwed Mbon Philippi 3:10, 11). Paul okoyom ndibeñe idem mbet akpa ediset, ndien man enye edi oyòhò andikan enye ama onyime ndikut ukut.

Mme Eñwòñò

Enam ediwak eñwòñò enò mmò emi ekòbòde ke ntak edinen ido. Qòbòñ qñwòñò ndidu ye mmò. Edisana Spirit eyeteme mmò se editiñde ke ini edidade edi ke iso mme andikara. “Mmòdo ebire ke esit mbufo ete ke mme imò idibemke iso ikere nte mme imò idibòròde.”

Mme mmò emi ekutde ukut ke ntak edinen ido eyenyuñ ekara ye Christ. “Ikò emi edi akpanikò, ete, koro edieke ima ikpa ye Enye, iyenyuñ idu uwem ye Enye; Edieke imede ime, iyeda ubòñ ye Enye; Edieke ikañde Enye, Enye eyekañ nnyin” (2 Ñwed Timothy 2:11, 12). Ke mme ikò edidiòñ etiñ ebaña ukòbò: “Qfòfòn ònò mmò eke owo ekòbòde mmò kabaña edinen ido: Koro obio ubòñ Heaven enyene mmò. Qfòfòn ònò mbufo ke adañemi owo edisuñide mbufo, enyuñ enam mbufo isin-enyin, enyuñ etiñ kpukpru oruk idiòk-ñkpò ke nsu edian mbufo kabaña Mi. Edaresit, edara eti-eti: koro utip mbufo ke Heaven omokpon: koro kpa ntre ke mmò ekenam mme prophet emi ebemde mbufo iso edu isin-enyin” (Matthew 5:10-12).

Ndusuk ini mfin esikot nditò Abasi ete edikut ukut. Ke idut nnyin ekeme ndidi oto ke edisu nsu ndori owo, mme ndidianade ñkpòñ mbon ufòk nnyin, mme edinò ufen. Ke ndusuk mme idut, ekeme ndidi ñkpò mkpa me uwem. Usuñ kiet ekededi eke enye edide ana nnyin ibò ke ime, ifiòk ite ke nnyin inam akpanikò inò Christ ye ikò Esie. Nnyin imòtòñò ndidu uwem nno Christ ndien eyenyuñ eda nnyin esin ke Heaven edieke inamde akpanikò. “Kpukpru owo eyesua mbufo ke abaña enyiñ Mi: edi eyenyaña owo eke edimede ime tutu osim akpatre” (Matthew 10:22).

MME MBUME

1. Demetrius ekedi anie?
2. Enye akada talent esie anam nso?
3. Nso idi ntak emi ukwòrò-ikò Paul ekebehede enye?
4. Nso idi ntak emi ekemumde mmò emi ekesañade ye enye?
5. Ekeshioño mmò didie?
6. Nso idi ukòbò?
7. Ke nso utò usuñ ke ekeme ndikòbò mme anditiene-Christ mfin?
8. Nso ke owo akpanam ke ini ekòbòde enye?
9. Nso idi ndusuk mme eñwòñò emi enamde enò mmò emi ekòbòde?
10. Nso eñwòñò ke enam enò mmò emi edimede ime isim akpatre?